

YUUM-PAALLÄ KOEESE

(Waogdgo, yuumd 2023 yuum-sar kiuug rasem 31 daare)

Burkīna Faso nin-buiidu,

M tumd-n-taas sēn zabd n baood ti bāan ne soog-m-meng sid-sid zīnd tōnd tēngā ;

Yaa ne woor la sū-noog ne maam, ti m dik koegā 2024 yuum-paallā sēn singdā, n kos Wēnnaam ti yuumdā yi sōmbo, n yi sū-noog yuumd n kō Burkīna nin-buiid sēn be tēn-torā pug la sēn be tēn-taase, d zo-rāmb la d tumd-n-taase.

D puus Wēnnaam barka, b sēn kit ti d ta rūndā daarā sēn yaa yuumd 2023 wā sēeb raarā. D kos Wēnnaam yaafa n kō neb nins fāa sēn koos b yōyā tēngā lebg-n-deeg zabrā pug ti yaa Burkīna Faso na paam a soog-m-mengā ; Wēnd na maneg b reng-taooore.

D le kota Wēnd t'a kō neb nins fāa sēn paam sampoog ti yaa zab ne nin-wēnsā sababā laafi.

D pēgr la d teelg bee ne neb nins fāa sēn zoe n bas b tēms n lebg zoetb rūndā-rūndā wā.

M zo-rāmba ;

Yuumd 2023 wā pugē, d maana vaees-n-gesg sēn ya zulung Burkīna Faso sēn vi yel nins pugā zugu. Yaa yuumd tōnd sēn dik n na n bao n bāng zu-loees nins sēn gīd Burkīna Faso wā ; rē kitame, ti d dik noy sēn tar yōodo. No-rukds bāmb yaa sēn na yil n kao yemdā, nansaa-wēnsā ne tēn-yāmbdbā pipi bān-sogdsā. Bala b yeelame ti « wagdr sā n zuk f būmb la a lebg n sōngd-f n gēesdē, bōn-kāng yāab yaa toogo ».

Yuumd 2023 wā yu tum-paal siglg yuumde. Yuum-sar kiuug rasem 11 wā daar sēn loogā, d kumbame n wilg tum-paal d sēn siglg sudaarā tum weengē, laafi wā ne paam rub ti sekā weengē ; tum-paal wusg paama tuusgo, sēn kēed ne yidgr la lozīn-dāmb luglg weengē. M dat n bēda ka n puus Burkinabe-rāmbā fāa ne b sēn nidgd pāng ba ne tēngā zu-loees sēn ya wusgā, b sēn bāng zabr ning d sēn zabd ti yaa na tōog n fāag tēngā, n paam soog-m-meng sid-sidā vōorā.

Yuumd 2024 wā yaa yuumd ning pug d sēn na n kell n kēng ne d maorā taoore. N na n kell n kēnga taoor ne yemdā la tēn-yāmbgā sēn kit ti sū-noog ka wā bān-sogdsā kaoobo.

Yuumd 2024 kāngā pugā, tōnd na n kell n kēnga taoor ne nidg pāng n zab n deeg d tēnga. Yaa rē n kit ti sēn kēed ne sudaarā tum weengē, d na n yāa pipi birgaadā d sēn pud ti « Birgaad espestiyallā dēntervānsō rapudā » sēn yaa « batayō dēntervānsō rapud-dāmb buud toor-toore », « grupma de fors espestiyalle », ne « gurpma espestifike ».

Tuum-kāng yaa sēn kēed ne tōnd sudaarā tum maneg n siglg weengē, sudaas sul rik n toem zīis sēn na yil ti b tōog n tum ti bāanā wa. Yuumd 2023 wā pugē zab-teedā baoob rabay tum-gānegdg ne sudaarā tum maneg n siglg tum-gānegdg la b maan-yā. 2024 yuumdā pug la tum-

gānegdt bāmb tuum na n paam pidsgu, sēn na n yī koglg teed sēn ya zīsd n tar pānga, sēn na n paas sudaasā sul sēn be zabrā yāoogē wā pānga. Sēn paas tuum-kānga, ya y bāng ti 2024 yuumdā na n yu tuum-bed yuumd ti bala tōnd luglga tulsem dāmb sēn kēed ne zab n deeg d tēngā ne zoetbā (PEDEYI-rāmbā) na leb b zīizē la b na paam koglgā weengē

Yuumd 2023 sēn loogā pugē, m da zoe n wilgame, ti yam-yākr sēn kēed ne tuum wusg maaneg sungame. Ti yuumd 2024 sēn wat woto wā, tōnd segd n maneg n tagsame ti pidi, n yaool n maan tuum nins fāa d sēn da sungā, sēn yud fāa perzidā wā yam-yāk-sōng ning sēn kēed ne rub weengē men-sekre , n le paas tuum-bed yes maaneg koobā la guulgā ministēer sēn na siglg yaoolma. Yam-yāk-kāensā pugē, sipaolg koobā tuum lagma be, sēn na yilē ti ba d ka tōog n paam rub weengē men-sekrā zāng-zāng me, bī d kolg-d weoogo.

Ad-y yaa maoor meng-menga, ti m boond Burkina nin-buiidā ti b rik yam-yāk-kāensā t'a yī b mens yam-yākre, ti ned fāa sēn beē bī a mao n yāag Leta wā ti d tōog n dok zu-loe-kangā. Yam la rabaar buud wusg na n dikame, sēn kēed ne lozind-rāmb tuum weengē, la būmd ning fāa sēn tōe n sōng d lēebdb nins fāa sēn maand b sēn tōe ne sū-keelem sēn na yilē ti rub la būm wusg ta Burkina tēms toor-toore. Lapek luglgā zoe n yaa būmb sēn na sōng-d ti d paam n me lozind-dāmb kēere. Yam-yākr wusg tuum weengē na wata yes yuum-kāngā puga.

Rōandā yuumdā pugē, m na n yōka Burkina beembā fāa seeg yesa, ti b tū perzidā wā yam-yākrā sēn kēed ne nin-buiidā yidgri, n maan b meng yam-yākre. Laafi wā weengē, wala m sēn da gomd yuum-sar kiuug rasem 11 daarā, d vees n gesame, ti ya tilae ti d lebg n me d galen-tēnsā la d yulg-ba. Rēnd nin-buiidā dik yam-kāngā n maab-b rēnd n sak n kēes b toogo, n yulg zīisā ti b neer yug pīnda, ti bā-piugdum nins d sēn zīnd riē wā ra le wa ye.

Tōnd sēn be maoor ning zug wakat kāng wā, yaa tōnd sēn yala la d rog-n-mikā maore. Wa d sēn zoe n mii, d sā n ges nasaar dāmbā tēn-yāmbgā yiisa tōnd d rog-n-mikē wā; rog-n-mig-sōng ning sēn da ya laafi, bāanem la sōng-taab rog-n-miki. Tōnd kongā sēn da ya bōn-yōod ne-do. Yaa rē yīnga la tōnd dat ti d rog-mikā paam zīig d maorā pugē masā.

Yaa rē n so, ti buudā goam na n soog taor masā, la sēn tu ne laloa gānegre, b lugla kōsey nasyonall de kominote, ti trāzisēo wā depit-rāmb sak ti rē na n yī. Woto yaa būmb sēn na n le lebs-do d yēgrē, ti d le tōog puk bōn-yōod ning sēn da paog-dā, sēn ya laafi, sugr la sōng-taaba.

Sēn kēed ne ninsaal yam-daabā weengē, a yu būmb sēn kell n tall pāng wusg 2023 yuumdā. La rōandā yuumdā d na n zaba ne-a d pāng tēka. Yaa rē la m dat n bool tuum-noy nins fāa sēn zabd ne yel-kāngā ti b modg n paase, ti d naag taab n menes-a tōnd tēngā ka.

M saam-biisi, pagb la raopa ;

Tōnd kīsa sīd ne sor ning tōnd sēn dikā. Sor a to ka be, n le n yud-a, d soog-m-meng hakikā, la Burkina Faso na yidg la a kēng taor weengē ye. Tōnd tara sīda, ne ninbuiidā sōngr ti tōnd sēn maood maoor ningā yaa burkīndlim maoor Burkina Faso yīnga, LAYEYES la Afirik zāng fāa yīnga.

M pɔɔsda yãmb ne y taabo, yɔɔm-paallã yĩnga ; Wënd na kit t'a yɪ laaft yɔɔmde, maoor yɔɔmde, n yɪ yɔɔmd Burkĩna Faso nebã fãa sën na n bao nonglem ne taaba, n bas welgrã tɪ lɔɪ, la b naag taab n ges beoog neerã ; a kell n yɪ sũ-noog yɔɔmde, la raab pidsg yɔɔmde.

M ka tõe n baas m goama, n ka pɔɔsd Burkĩna nin-buiidã sën wɔm maoorã võore, n sak kēes b meng wĩndg la yung n maood n na gũ trãzisēo wã ne nao-kēndr toor-toore. D bãng vēeneg tɪ beyã na ka sik a lok ye, bɪ d gũusi. Nasaar-wēngã la bæeb sën be Burkĩna Faso ne kēeng ket n tumdame n dat wēnga.

M pɔɔsa Burkina nin-buiidã bark b maoorã yĩnga ; m pɔɔsa neb nins sën be kaanē bɪ sën zarē, tɪ yaa Burkĩna Faso bɪ tēn-taase, dũni wã fãa pugē n sak n teend tōndo, la b sōngd Burkĩna Faso, mao-kãngã pugē.

Wënd na kaos Burkĩna Faso !

Wënd na gũ Burkĩna Faso !

Tōnd tēngã yĩnga, d saka kũum, la d na tōoge.

Trãzisēo wã taoor soaba

Kapitend Ibrahim TRAORE